

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PENGUMUMAN HARGA MAKSIMUM SKIM HARGA MAKSIMUM MUSIM PERAYAAN HARI RAYA PUASA TAHUN 2022

PUTRAJAYA, 21 April 2022 – Kementerian Perdagangan Dalam Negeri dan Hal Ehwal Pengguna (KPDNHEP) terus komited untuk memastikan **Keluarga Malaysia** dilindungi dan tidak terbeban dengan peningkatan kos sara hidup (COL) ketika ini.

2. Kementerian telah melaksanakan **Penentuan Harga Maksimum Ayam dan Telur Ayam** pada **5 Februari 2022** dan sedang berkuatkuasa **sehingga 5 Jun 2022** sebagai langkah untuk menstabilkan harga ayam dan telur ayam serta memastikan keberadaan bekalannya di pasaran.

3. Permintaan ke atas barangan tertentu juga dijangka meningkat menjelang perayaan Hari Raya Puasa yang bakal disambut pada 3 Mei 2022.

4. Sebagai langkah menstabilkan harga barangan dan memastikan keberadaan bekalan di pasaran sebelum, semasa dan selepas perayaan, Kementerian akan meneruskan pelaksanaan **Skim Harga Maksimum Musim Perayaan Hari Raya Puasa (HRP) 2022** yang akan berkuatkuasa pada **26 April sehingga 6 Mei 2022** iaitu tujuh (7) hari sebelum, semasa

dan tiga (3) hari selepas perayaan.

5. Sebanyak 22 jenis barangan akan ditetapkan harga maksimum semasa pelaksanaan Skim Harga Maksimum Musim Perayaan (HRP) 2022 yang melibatkan kategori hasil laut, barangan kering, sayuran dan daging.

6. Jumlah barangan harga terkawal bagi pelaksanaan Penentuan Harga Maksimum Ayam dan Telur Ayam serta Skim Harga Maksimum Musim Perayaan (HRP) 2022 adalah melibatkan 28 jenis barangan daripada kategori ayam, telur ayam, sayur, barangan kering, sayuran dan daging.

7. Senarai harga barangan harga terkawal bagi SKIM HARGA MAKSIMUM MUSIM PERAYAAN (HRP) 2022 adalah seperti berikut:

- i. Daging lembu tempatan (kecuali bahagian batang pinang)
- ii. Daging lembu import (*Harga maksimum di Sarawak sahaja)
- iii. Daging kerbau import (*Harga maksimum di Semenanjung, Sabah dan WP Labuan sahaja)
- iv. Ikan kembung termasuk ikan mabung (berat antara 8 ekor hingga 12 ekor setiap kilogram)
- v. Ikan selayang (berat antara 8 ekor hingga 12 ekor setiap kilogram)
- vi. Ikan aya/tongkol (berat antara 1 ekor hingga 2 ekor setiap kilogram)
- vii. Ikan Demudok/ Sagai/ Cermin/ Cupak (Sabah sahaja)

- viii. Tomato
- ix. Cili Merah
- x. Kubis Bulat Import (Indonesia dan China tidak termasuk kubis Beijing)
- xi. Kacang Panjang
- xii. Terung Panjang
- xiii. Timun
- xiv. Halia Tua Import
- xv. Bawang Merah Besar Import
- xvi. Bawang Besar Holland
- xvii. Bawang putih (China)
- xviii. Ubi Kentang Import (China)
- xix. Cili Kering
- xx. Kacang Tanah
- xxi. Kelapa Biji (Borong sahaja)
- xxii. Kelapa Parut (Runcit sahaja)

7. Senarai harga barangan harga terkawal bagi PENENTUAN HARGA AYAM DAN TELUR AYAM adalah seperti berikut:

- i. Ayam hidup
- ii. Ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya)
- iii. Ayam super (disembelih dan dibersihkan tanpa kaki, kepala, hati dan hempedal)
- iv. Telur ayam gred A (berat antara 65.0 gram hingga

- 69.9 gram sebiji)
- v. Telur ayam gred B (berat antara 60.0 gram hingga 64.9 gram sebiji)
- vi. Telur ayam gred C (berat antara 55.0 gram hingga 59.9 gram sebiji)

8. Penentuan harga barangan bagi negeri-negeri dibuat mengikut kesesuaian harga pasaran semasa dan mengambil kira faktor perubahan harga, khususnya bagi barangan import yang dipengaruhi oleh harga daripada Negara asal, perubahan kadar tukaran mata wang dan peningkatan kos utiliti penternak.

9. Pihak KPDNHEP menentukan harga maksimum pengeluar, borong dan runcit berdasarkan kepada maklumat harga yang dikenalpasti daripada punca-punca berikut:

- i. Pemantauan harga di semua daerah di seluruh Negara sepanjang tahun 2021 dan pada bulan Januari hingga April 2022 berdasarkan kepada pungutan harga yang ditetapkan secara mingguan oleh KPDNHEP;
- ii. Pandangan pelbagai agensi Kerajaan yang berkaitan iaitu Jabatan Perkhidmatan Veterinar (JPV), Jabatan Pertanian Malaysia (DOA), Jabatan Perikanan (DOF), Lembaga Perikanan Malaysia (LKIM), Lembaga Pemasaran Pertanian Persekutuan (FAMA) dan Jabatan Perkhidmatan Kuarantin dan Pemeriksaan Malaysia (MAQIS) ; dan

- iii. perbincangan dengan pengeluar, pengimport, pembekal dan pemborong barangan tersebut.

10. Anggota Penguat Kuasa KPDNHEP akan berada di lokasi-lokasi yang menjadi tumpuan orang ramai membeli-belah seperti pasar awam, pasar tani dan pasaraya untuk menjalankan pemeriksaan dan pemantauan setiap hari bagi memastikan pematuhan oleh peniaga sepanjang tempoh pelaksanaan skim ini.

11. Kementerian Pertanian dan Industri Makanan (MAFI) akan bekerjasama membuat pemantauan untuk memastikan bekalan barangan adalah mencukupi dan memastikan harga dipasaran adalah berpatutan dan seterusnya memastikan keberadaan bekalan di pasaran.

12. Adalah diingatkan bahawa **tindakan tegas akan diambil terhadap peniaga yang gagal mematuhi peraturan-peraturan di bawah Skim ini.** Mana-mana peniaga yang melakukan kesalahan akan diambil tindakan di bawah Akta Kawalan Harga dan Antipencatutan 2011 dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**

- (a) **Individu;** boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan

- (b) **Syarikat;** boleh didenda sehingga RM500,000 atau dikompaun sehingga RM250,000;
- (ii) **kesalahan gagal meletakkan tanda harga berwarna merah jambu** bagi barangan harga terkawal:
 - (a) **individu;** boleh didenda oleh mahkamah sehingga RM10,000 atau dikompaun sehingga RM5,000; dan
 - (b) **syarikat;** boleh didenda sehingga RM20,000 atau dikompaun sehingga RM10,000.

13. Sekiranya pengguna mempunyai maklumat berkenaan salah laku peniaga berhubung perkara ini boleh melaporkan kepada pihak KPDNHEP melalui saluran berikut:

- i. WhatsApp 019-279 4317 / 019-848 8000
- ii. Portal Aduan; e-aduan.kpdnhep.gov.my
- iii. Call Centre 1-800-886-800
- iv. Emel e-aduan@kpdnhep.gov.my
- v. Ez ADU KPDNHEP

YB Dato Sri Alexander Nanta Linggi
Menteri Perdagangan Dalam Negeri
dan Hal Ehwal Pengguna
PUTRAJAYA,

21 April 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapkan dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan niaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

